

مرند اۆيكو

Mərənd öykü



آیپا چۆیهیی، دۆولت نوکری

یازار: رقیه کبیری

Web adress:www.marand-oyku.arzublog.com

Face book:www.facebook.com/marandoyku

Email:rezaaydin491@yahoo.com

آىپا چۆيەيى، دۆولت نوكرى

رقىه كىبرى

ايكى آيدان آرتىق اولوركى ايش يئريمىزدە، دۆولت نوكرلرئنه وئردىكلرى صبحانهنى كسىبلر. اينانين كسدىكلرى بىر ال بويو لاواش چۆرهينين خمير اولدوغوندان، 10 گرم كره، 15 گرم اسيد استىك دادىخان مريادان، 30 گرم صابىن قالىبى كىمى پنىردن، هئچ سۆز آچمياچاغام. نهين بركتيندن وئردىكلرى بركت كسىلدى، بىلمىرم. ندىنى بىلسم ده، اۆزومو بىلمه مزلييه ووراجاغام. باشىما هاوا گلهمىب كى دىل اوزونلوق ائلهيم. ياخشىجا بىلمىرم كى، دۆولت نوكرئنه ياراشىقلى دئىل آغزىندان يئكه سۆزلر دانىشسىن!

هر گونكو كىمى بارماغىمى بوتون گوجومله ساعاتين اوستوندهكى سنسورلو بارماقلىغا تانىتىرماغا چالىشىدىم. بارماغىمىن ايزى ثبت اولمادى كى، اولمادى. سنسور گئنه ده بارماغىمى تانىماقدا چاش- باش قالدى. ندىسه بارماقلىغىن خاصىتىن اونوتموشدوم؛ گئنه سحر ايشه گلهمدن اللرىمه گولاب قارىشىمى گلىسىرىن چكىمىشىدىم. آخى بىزىم ايش يئريمىزىن الكترونىك بارماقلىغى، يوموشاچىق بارماقلارنى ايزلرئنى ثبت ائله مكدن عاجىزدى. بونا باخمايلاق كى ايش يئريمىزىن دۆولت نوكرلرئنىن 90 فايىزى قادىنلاردى. بارماغىمى اۆرپه بىمىن اوجويلا دفعه لرحه سىلدىم. بلكه گىلىسىرىنىن ايز- توزو سىلئىنىن. عصبى حالدا بارماغىمى ائله بارماقلىغىن اوستونه باسدىم كى، سنسور چاره سز قالىب، بارماغىمىن خطلرئنى تانىدى. سونوندا ايشه گلدىمىم ساعات ثبت اولدو.

دۆولت وئردىبى بركت، كسىلدىبى گوندىن برى، آ موصطافانىن لاواش خاناسىنا يول دۆيمك، منىم هر گونكو ايشىم اولوب. بو گونده هر ايشدن اول، حىطىن دىبىندهكى لاواش خانايا سارى يوللاندىم.

نچہ آی اؤنجه یازدیغیم بیر حیکایه سببیدن، چؤرک یاپماغا عائید ماتریاللار توپلاماق اوچون آ موصطافادان یاردیم آلمیشدیم. اویسا منیم تورکجه یازدیغیمی آنلادیغیندا چوخ هیجانلانمیشدی. او گوندن بری، نه زامان لاواش خانایا گئدیرسم، آ موصطافا خاطر- حؤرمتی ایله منی اوتاندیریر.

قاپیدان ایچری گیردیلمده، امکداشلارین بیرسی الینده بیر نچه لاواش بیر آیاغی چؤرک خانادا، بیر آیاغی ایسا ائشیکده شاطیرا اعتراض ائدیردی:

-قارداش! باشارمیشان پیشیرمه دا... بوغدا چؤره یینین رنگینه باخ؛ قَب- قَره، بو دا پیشیرمه ییندی. اورتاسی یانیخ، قیراغی خمیر... آلاهی کسسین بو برکتی...

اوجا سسله سلام دئیرک اوریلمده: «آلاهی ائله مه سین دئیم»

آلاهی بو برکتی ده کسسه ایدی، هر گون صبحانه مه بوز دولابیندان چیخمیش بایات چؤره یی گتیرمه ییم گره کجکدی. آ موصطافا باشینی تندیردن قالدیریب، امکداشین اعتراض سسینی ائشیتمه میس کیمی «علیک ام السلام خانیم باجی» دئدی.

امکداش قاپینی چیرپیب دیشاری چیخدی. تندیرین اؤنونده کی تاباغین باشیندا اوتورموش ایشچی:

-«نایاحات اولما آ موصطفا. آی پا چؤیه یی یئمیب کی، بو چؤیه یین قَدینی بیلسن»

منسه: «ایندی آرپا چؤره یی بوغدا چؤره ییندن باهالیدی» دئیم. آ موصطافانین وردستی، کونده نی تاхта اوسته وردنه ایله آچا- آچا دئدی: «هه... به نمه... ایندی خانیمنار رژیم توتاندا، آرپا چؤره یی یئیلر»

ایشچی اوزونو منه نوتوب گولومسه ینده، سیقارادان قارالمیش چوروک دیشلری تیکان کیمی گؤزومه باتدی. باخیشیمی یابیندیرماق ایسته دیبیم آن، ندنسه اونون دیشلرینه دونوخدوب قالدیم. اویسا:

-«باجيم دا اۋزگە دىيى كى، قوئ دئيم دا...واللاھى آ موصطافا، اوشاخلىخدا ائله گون اولوب كى، بى پاچا چۈيىھ تاپا بولمەمىشىخ. ائله اولوب كى، بى پاچا كىفسەمىش چۈيىھى تاپىب يىيندە، چىلووكاباب دادى وئيب... ايندى اوتانماز- اوتانماز آلاھين نعمتىنە ناشوكورلوح ائلىيىخ»

آ موصطفا اليندەكى تاختايلا لاواشلارى بىر بە بىر تىدىردن چىخاردىب، تاباغين اوستونە، ايشچىننن اۋنونه اتىردى. منسە ايشچىننن سۇزلىرىن ائشىتىدىكدە، اورەيم كۇورلدى. بئىنمەدە نسە قىمىلداماغا باشلادى. دوشونجەلرەم دىلیمین اوجونا سوزولدى. دىلیمى دىشلەدیم دىنمەيم. بىلیرم كى دۇولت نوكرینه ياراشىقلى دئیل، يئرسىز سۇزلىر دانىشسىن- ندىسە تىدىرىن اىستىسىندن ایدى، يوخسا ايشچىننن سۇزلىرىنن تاثيرىندن، نە قدر چالىشىدىم، دىلیم دىش دورمادى كى، دورمادى. سۇزلىر آغزىمدان ائشىيە اتىلدى:

-«بىر آى قالير دا آذربايجانين آزلىق گونلىرىننن ايل دۇنومونه.»

ايشچى امكداش آنلامسىز بىر سۇز ائشىتمىش كىمى آ موصطافا باخدى. منیم باشى بلالى دىلیم گننه دوشونجەمین دىلمانجى اولدى:

-«آلتمىش آلتى ايل بوندان قاباغى دئيرم دا... او زامان كى مىلت كىفسەمىش چۇرەك دە تاپا بىلمىردى.»

آ موصطافا چكەننن اوزەرىندەكى خمىرىن قىرىشىقلارینى، قىرىشمىش پارچا كىمى آچىب، چكەنى تىدىرىن اىچىنە چىرپدى:

-«هە...آلاھ او شاختا- قىروو گونلىرىنى هئش كافیره دە قىسمت ائله مەسىن. بابام هله دە او گونلردن دئىندە، توهلریم بىز- بىز دورار...»

منسە:

-«منیم آنام دا او گونلردن دئير. آنام او ایللردە درس اوخويوب...»

ايشچى امكداش ھويوخموش كىمى بىر منە، بىردە آ موصطفايا باخىردى. آ موصطفا
ايسا تىدىردن چىخارتدىغى لاواشى سلىقەايله، ھەر گون چۇرەپى آلىب، بۇكدويوم
كىمى بوكوب، ايكى اووجونون ايچىندە حۇرمتلە منە سارى توتدو. « بويور خانىم
باچى!» دئدى. قاپىدان دىشارى چىخدىغىمدا « خانىم باچى! يازىلارىندا او گونلردن دە
ياز!» دئدى.

منسە آ موصطفانين اوزونە تبسم ائلەدیم. آ موصطفا ائشیتىمەسین دئیە، دىل
دوداغىمىن آلتىندا اۋز- اۋزوملە مىزىلداندىم: « دولت نوكرىنە ياراشماز اۋزوندىن
يئكە....»

1391.8.21